

# Goibekokale

ELGETA / Barikua / 2002ko maiatzaren 17a / 98. zenbakia

KOORDINATZAILEA: Oxel Erostarbe • Barrenkalea 33 20570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com

## Ertzaintzak Donostian atxilotu zuen Arrate Elkororen ustezko hiltzailea

OXEL EROSTARBE

Ertzaintzak, astelehen goizean atxilotu zuen Donostiako Virgen Del Carmen kalean Aitor Mendikute. Eguenetik Arrate Elkororen hilketaren egilea zelakoan bere bila ziharduten. Aurreko asteko gertaerek erabat saminduta gauzka elgetarrok.

Izan ere, Arrate Elkororen hilketak hitzik gabe utzi gintuen. Ustezko hiltzaileak zerbait egingo zuela ziotenak baziren arren, inork gutxiak uste zuen, egindakoa horren larria izango zenik. Ertzaintza bila zebilen gizonezkoa Aitor Mendikute zen, 34 urteko elgetarra. Emakume bat bortxatzeagatik eta beste bat bortxatzen ahalegintzeagatik, zazpi eta sei urtez egon zen kartzelan. Duela bi hilabete irten zen Aitor Mendikute kartzelatik. Eguenetik Ertzaintza bere bila zebilen, Arrate Elkorori lau labankada eman zizkiona bera izan zela uste zuten eta. Kostata, baina astelehen eguerdian Donostian atxilotu zuten, kalean zebilenean.

Lekukoek esan zigutenez, lau labankada jaso ondoren Arrate



Gertatutakoa salatzen Udalak egindako deiarri erantzunez, jende ugari batu zen barikuan herriko plazan.

Elkoro bere kabuz Hoteleraino joan zen laguntza eske. Hoteleko jabeak adierazi zigunez, konorte gabe geratu aurretik "Mendikute, Mendikute!" esan zuen Arrate Elkorok.

Horrek eta zenbait herritarren testigantzak eraman zuen Ertzaintza ustezko hiltzailearen bila atera. Azkenean Donostian burutu zuten atxiloketa.

Une gogor hauetan, GOIBEKOKALEtik elkartasuna adierazi nahi diegu gertatutakoagatik sufritzen ari diren familiar-ekoei.

*Bariku iluntzean,  
jende ugari batu zen  
herriko plazan  
Udalak deitutako  
kale bilkurara*

*Herriko mendiak  
miatzen jardun  
zuen Ertzaintzak  
gertatutakoaren  
berri izan zuenetik*

*Donostiako kaleetan  
atzeman zuen  
Ertzaintzak Aitor  
Mendikute astelehen  
eguerdian*

## ARETO FUTBOLA

### Arineketan, gero eta liderrago

O.E.

Kanpotarrak daude aurreneko postuetan Areto Futboleko Txapelketan. Aurreko astean 5-5 egin zuten Arineketan eta Chievo taldeek. Eta Arineketan taldekoek sailkapeneko lehen postuan jarraitzen dute.

Aurtengo txapelketan lehenengo garaipena lortu zuen zapatuan Txapela taldeak, Komando Piperrak taldearen aurka 10-6 irabazita.

Aurreko asteburuan Vicios taldearen aurka 1-5 galdu eta gero, Bar El Arko taldearen aurka jokatuko dute oraingoan elgetarrek.



IBAN ARANTZABAL

Txapelak lehenengo garaipena lortu zuen zapatuan Komando Piperrak-en aurka.

## PARTIDUAK

- 15:00: Spias-Komando Piperrak. MTS
- 16:00: Arineketan-MTS. Komando Piperrak
- 17:00: Chievo-Txapela. Bar El Arko
- 18:00: Bar El Arko-La Kokotxa. Chievo

## SAILKAPENA

Taldea	P	J
1. Arineketan	5	3
2. Vicios	5	3
3. Chievo	4	3
4. Bar El Arko	4	3
5. Txapela	2	2
6. MTS	2	2
7. Spias	2	3
8. Komando Piperrak	0	3
9. La Kokotxa	0	2

## LABUR

### GOIBEKOKALEko afarirako txartelak salgai tabernetan

Ekainaren lehen, GOIBEKOKALEk 100 ale egingo ditu. Hori dela eta, Espaloian izango den jaialdiaren aurretik afaria antolatu du Goibeko Kultura Elkarteak.

Afarirako txartelak herriko taberna guztietan daude salgai, 12 euroren truke.

Egun horretan, gainera, Euskalkiaren Eguna izango da eta egun osoan hainbat ekitaldi egingo dituzte. Gauean, esaterako, Tapia eta Leturia taldearekin erromeria izango da Espaloian.



# Eguraldi onak lagunduta ospatu zeben domekan Aseztzio Eguneko erromerixia

O.E.

Eguenian izandako gertakarixek eraginnda, beste urte batzuetan baiño jente gutxiago batu zan domekan Aseztzion.

Goiz-goizetik, Arrantza Txapelketiak emon zotsan hasieria aurtengo Aseztzio Eguneko erromerixiari. Aipagarria da, ordu eta erdi arrantzan ibilli arren, parte hartzaile batek be ezin izan zebala arraiñik harrapau.

Gure Bordakuek gertatutako txorixuakin eta saldakin hamaiketakua egin zeben Aseztziora gerturatutakuek. Gero, nahi zebenek mezetara eta bestiak, bolotan egittera.

Mezia bukatzian, Arrate Elkororen hilketako gertaerak zirala-eta, miñutu bateko ixilunia gorde zeben Aseztzion batu ziran herritarrek eta kanpotarrek. Gero, dantza erakustaldixak izan ziran. Lehenengo, Elgetako neska-mutikuen saiua ikusteko aukeria izan giñuan eta harein ostian, Bergarako Moises Azpiazu dantza taldekuena.


Eguerdirako eguzkixa zan nagusi Aseztzion, eta bazkaltzen bertan geratu ziranek berotu galanta hartu zeben. Bazkalostian dantzan eta kantuan egitten jardun zeben. Hola bukatu zan Aseztzio Eguna, herrixan izandako gertaerek eraginnda, iñoiz baiño tristiagua izan dana.



Arrantza Txapelketako parte hartzaileek ezin izan zeben arraiñik harrapau.



Giruak lagunduta, oiñez etorri ziran herritarrek eta kanpotarrek Aseztziora.



Trikiti doiñuak entzun ziran aurtenguan be potzuaren inguruan.



Elgetako dantzarixek eta Moises Azpiazuak egin zeben dantza erakustaldixa benetan bikaiña izan zan.



Bazkaltzera geratutakuek berotu galanta harrapau zeben eguzkopian.

**JAR EZAZU  
HEMEN  
ZURE  
PUBLIZITATEA**

Goibekokale



**RECYDE, S.A.**

Pagotza pol. ind. 20690 ELGETA, Gipuzkoa  
Tel. zentrala: 943 78 80 00. Faxa: 943 78 90 10  
Posta elektronikoa: recyde@recyde.es



ER-0182/2/95

ISO 9002  
QS 9000  
ISO/TS 16949

**SAIOA ARANZABAL  
MASAJEAK**

ELGETAN, DOMINGO ITURBE 10ean

Kiromasajea •  
Reflexologia •  
Hidromasajea •  
Kirol masajea •



• Solariuma  
• Drenaje linfatikoa  
• Algekin eginiko estalkia

Dei ezazu **646 50 00 29** telefonora ordua eskatzeko



## ERRETRATUZAHARRA

## Filmetako zentsura salatzeke estampa 1973ko Pazkoetan

**G**arai baten oso arrakastatsua izaten zen Pazkoetako Estampa

Lehiaketa. Aratusteetan egiten den antzera, mota askotako mozarroak janzten zituzten herriko koadrilek, eta umorea izaten zen nagusi.

Alboko erretratua 1973ko Pazkoetakoa da. Koadrila horrek zineman indarrean zegoen zentsura salatu nahi izan zuen. Antza denez, biolentziatzko filmak heltzen ziren pantailetara, baina sexu irudiak ikustea beste kontu bat zen. Hori dela eta, erromatar jantzita joan ziren argazkikoak. Guztira, 40 lagun inguru irten ziren, nahiz eta erretratuan bederatzik bakarrik agertzen diren, *Neron* tartean. Bigarren saria jaso zuten lehiaketan. Hauek dituzue, ezkerretik eskumara:

Zutik: Karlos Ugarte, Felix Basabe, Juan Mari Corral, Patxi Bakaikoa, Jesus Mari Larrea, Igartua Cantera eta Jose Antonio Goiti.

Eta makurtuta: *Gin* Ilarduia eta Jose Manuel Alberdi.

**Argazkia:** Udal Agiritegia (Roman Larrañaga Fundoa).

**ADI IRAKURLE!**

Zure erretratu zaharra argitaratzea nahi izanez gero, zatoz BERRIGARAra (Irizar jauregia, Barrenkalea 33) edo Elgetako kultura etxera. Zain gaituzu!

**MUJIKA** **UNIFE KOOPERATIBAKO KIDE**  
**FERRETERIA**

BERGARAKO ENPRESA ETA HERRITARREN ZERBITZURA

Ondo pasa dezazuela denok Pazkoetan!

Bidekurutzeta 8. 943 76 28 67. BERGARA




**zumelaga**  
**JATETXEA**

*Jai zoriontsuak izan ditzazuela denok!*

San Antonio 5 BERGARA. Tel. 943 76 20 21

**59 urte zuen zerbitzura!**





Latexeko burukoak

**ESKAINTZA BEREZIA**  
Koltxoa erosteagatik  
koltxoa estaltzekoa opari



Oinarri tapizatua



Latexeko koltxoiak



Era guztietako koltxoiak



'Aluminium' ohe artikulatuak

**Zatoz  
Masterreka 9ko  
erakustokira**



Kanape erainsgarria



Habi-ohea

Barrenkalea 23, Tel. 943 76 29 65 • Masterreka 9

**ederTU**

Jai zoriotsuak bezero eta herritar guztioi







## Festa zorientsuak opa dizkizue

San Juan Erreka z/g Elgeta bidea. Bergara - Tel. 943 763 642 - Faxe 943 765 425

